

## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. III. Quid de Perfectionibus non simpliciter simplicibus sentiendum:  
dicíne ullo modo possint in Deo existere.

**urn:nbn:de:hbz:466:1-13718**

# Deus rerum creatarum in se perfectiones continet. Sect. III. 45

*totum: cum illo ager, cum illo species culti, cum illo species terre &c. ac demum subdit, in ipso vita erat, quicquid factum est. Sic S. Gregor. Nyssen. lib. I. de hominis opificio cap. 16. Dei, inquit, natura, perfecta quadam copia est bonorum omnium. Pro quo etiam facit, quod S. Thomas hic q. 4. a. 2. Corp. ex S. Dionysio, affect de Divin. Nominib. c. 5. ubi de Deo loquens, sic habet: Non quidem hoc est, hoc autem non est, sed omnia est, & omnium causa. Denique S. Greg. Nazian. Orat. 2. in Pascha, circa medium: Deus, inquit, Universum id, quod est, complectitur, quasi Pelagus quoddam essentialem imminsum, & interminatum.*

**VI.**  
Perfectiones  
omnes sim-  
pliciter sim-  
plices in Deo  
formaliter  
existunt.

*Vna perfe-  
ctio sim-  
pliciter sim-  
plex aliam non  
excludit.*

Restat explicemus quo modo rerum omnium perfectiones in Deo contineantur. In primis itaque perfectiones omnes simpliciter simplices formaliter in Deo reperiuntur. Ratio est clara: cum enim perfectio simpliciter simplex nullam in se involvat imperfectionem, in modo ut secundum praecedente vidimus, ejusmodi sit, ut eam melius sit habere quam non habere, unaque aliam ex eodem subiecto, vel quasi subiecto, non excludat, ipso facto quod Deus unam ex perfectionibus hisce non habet, careret perfectione aliquam possibili, sicutque aliquis in eo efficit defectus, nec forte Ens omnium perfectissimum; Ens namque illud quod hanc etiam perfectionem simpliciter simplicem haberet (sicut jam ostendimus habere posse, cum una perfectio simpliciter simplex, ut dixi, aliam non excludat) foret Deo perfectius. Deus itaque est formaliter substantia, spiritus, sapiens, omnipotens, immensus &c. nec ex hujusmodi perfectionibus illa ei deest, aut deesse potest.

## SECTIO TERTIA.

*Quid de Perfectionibus non simpliciter  
simplicibus sentiendum: dicine ullo  
modo possint in Deo  
existere.*

**I.**  
Perfectiones  
non simplici-  
ter simplices  
non sunt in  
Deo forma-  
liter.

**A**D alias rerum creatarum perfectiones quod attinet, eas nimur quae non sunt simpliciter simplices, sed imperfectionem in se aliquam involvunt, quales sunt ratio equi, leonis, lapidi &c. in Deo formaliter existere non possunt. In modo nulae omnino rerum creatarum perfectiones, quae tales, in Deo reperiuntur possunt, cum plurimas sibi imperfectiones habeant mixtas: à Deo proinde, Ente perfectissimo, quam longissime sunt removenda, utpote in quo ne minimus existere natus possit. In modo, hoc quisquis afficeret, in doctrinam incideret Almarici, quam Disp. praecedente vidimus à Concilio Lateranensi damnatam, non ut erroneam tantum, sed infamam.

**II.**  
Opinio que-  
dam crea-  
turarum  
non sunt in  
Deo.

Non defunt tamen nonnulli, qui doceant eadem numero perfectiones creaturarum in Deo formaliter reperiiri, quanvis non eodem modo quo reperiuntur in creaturis. At hoc plane est impossibile; sic enim Deus ex creaturis coaleficeret, esetque quid ex rebus quibusvis vilissimum compactum & confarcinatum. Deinde, si eadem entitas seu realitas sit in Deo & arbore, vel formica, Deus realiter cum arbore, formica, & id genus aliis, adeoque cum rebus omnibus creatis identificaretur. In modo, ulterius sequitur, rem nullam creatam unquam primò produci, cum quicquid est in creaturis, secundum hos Auctores, prius realiter existat in Deo.

Alii denique affirmant, rerum creatarum perfectiones, etiam numero eisdem, in Deo reperiiri, seclusis tamen imperfectionibus. At sane hi pragnantia loqui videntur: ratio enim lapidis ex gratia, ita insitas sibi & immixtas, atque in essentiali suo conceptu involutas habet imperfectiones, ut quisquis eam ab his separare contenderit, separaverit illam à seipso. Quisquis nimur rationem lapidis mente concipit, corporeum quiddam representat, materiale, divisibile, susceptivum accidentium, & id genus alia in se per identitatem complectens: si quis verò eam sine his concipiatur, non rationem formalem lapidis, sed altius illius loco concipi. Deinde, impossibile est ut eadem numero entitas à parte rei identificetur cum Deo & creaturis; sic enim esset à se & ab alio, creata & increata, corruptibilis & incorruptibilis &c. que in eandem rem cadere per nullam potentiam possunt. Illa etiam hic urgunt, quae numero precedente allata sunt contra alios.

*Dicunt ali-  
qui, perfe-  
ctiones crea-  
turarum  
eisdem nu-  
mero esse in  
Deo, seclusis  
imperfec-  
tibus.*

*Omnis per-  
fatio crea-  
ta imperfec-  
tibus est  
permixta.*

Neque de crassioribus tantum hisce rerum creatarum perfectionibus, quae hactenus diximus, sunt intelligenda, sed nec puriores illae & ab omni terrena concretione immunes, ut Sapientia, & ejusmodi aliae, in Deo prout in creaturis sunt, reperiuntur, cum quicquid creatum est, imperfectionem in se semper aliquam involvat. Que itaque in Deo est Sapientia, quamvis in communi sapientia ratione cum creaturam conveniat, est tamen ab ea plus quam specie, in modo genere, diversa.

*Sapientia  
creata, qua-  
talis, in Deo  
non reperi-  
tur.*

Dici nihilominus aliquo modo potest, Deum omnes rerum creatarum in se perfectiones complecti, non quod eisdem numero contineat, hoc enim jam rejectum est, sed quod nobiliore longe modo prestare ea possit, quae prestantur à creaturis. Homo exempli g. labore maximo, sudore, ac studio scientiam aliquam addidit, variis tamen erroribus (qua humani ingenii imbecillitas est) permixtam, camque deinceps non nisi longo tempore, & summa cum fatigacione ac molestia in alios transfundit. Deus sine labore ullo, aut studio ejusdem rei scientiam infinitas perfectius possidet, & momento in quos voluerit, derivat. Ignis cum agentibus frigidis luctando, qualitates in ea suas, & formam sensim inducit: agendo tamen repatuat, & virum aliquid in lucida amittit. Deus autem in res quaque frigidissima calorem intensissimum, & ignem sine resistentiā ullā, aut virum immunitione, unico instante inducit: ipse nimur dixit & scita sunt: ipse mandavit, & creata sunt, eique cuncta ad nutum parent & obsequuntur. Tandem (ut exemplis, quae infinita afferri possunt, modum faciam) Rosa eximiā quadam venustate intuentium oculos oblectat; sed marcescit illicō, ac penē dum floret, deflorescit. Deus beatos infinita pulchritudine pascit ac recreat, eaque nunquam interiatur.

*Summā in-  
ter Deum  
& res crea-  
tarum con-  
tinere, se-  
clusis imper-  
fectionibus.*

Neque re ipsa differre existimo quod cum S. Thomā hic z. 4. a. 2. & q. 8. de verit. a. 16. ad ii. docent passim Theologi, Deum scilicet omnes rerum creatarum perfectiones continere eminenter. Quod etiam docet acutissimus Caraccioli in Theol. rationali, medita. 4. artic. 4. Porro continere aliquid eminenter, non solum est, rem illam in perfectione excedere; Angelus enim hominem, & homo reliquias res creatas in perfectione exedit, nec tanen hominem Angelus, aut res alias omnes homo dicitur continere eminenter. Ad continentiam ergo eminentiam alicuius rei, duo requiruntur, tum ut id quod eam continet, sit re illa perfectius; tum ut eam possit producere, siveque

*VI.  
Deus perfe-  
ctiones om-  
nes crea-  
tarum con-  
tinet emi-  
nenter.*

*Quid sit,  
aliquid con-  
tinere emi-  
nenter.*

## 46 Disp. VII. De Bonitate, & Infinitate Dei. Sect.I.

**TOMVS I.** siueque perfectionis ei aliquid impertire : quorum utrumque Deo perfectissimè convenit, utpote qui & res omnes creatae infinitè in perfectione superet, & eas possit producere, inò & effectus eaurum omnes, idque multo praestantius, ut numero praecedente vidimus, quam res ipsæ eos producant. Deinde, est causa rerum exemplaris, utpote ad cuius similitudinem sunt creature, singulæque divinam naturam participant. Quas ob causas dixit S. Augustinus lib. 5. de Genesi ad lit. cap. 15. *Creaturam verius esse habere in Deo, quam in natura propria.* Eodem modo loquitur S. Anselmus in Monol. cap. 35. *Omnia, inquit, creatae substantia, tanto verius est in Verbo, & intelligentia Creatio, quam in seipso: quanto verius existit creatrix, quam creata essentia.*

### VII.

*Primum monstra natura & moris in Deo continentur eminenter.*

### VIII.

*Quo patet Deus in se prefecisti res imperfectas producere.*

Objicies primò, Odium Dei, error, monstra, & similia tum nature, tum moris peccata, aliquid in se habent perfectionis, cùm aliquam habeant entitatem, & tamen hoc in Deo non continentur eminenter, horum namque Deus non est causa, ergo omnes rerum creatarum perfectiones in Deo non reperiuntur. Respondetur, hæc propriè dici non posse habere perfectionem, cùm sint res imperfectæ, & defectus. Lato tamen illo modo quo dicuntur habere aliquam perfectionem, quia scilicet aliquam habent entitatem, dici etiam possum contineri in Deo eminenter: qui quamvis dici nequeat illorum causa, realē tamen in se virtutem continet, corum, ut res physica sunt, producivam.

Ut autem Deus res imperfectas producat, non est opus ut ipse sit imperfectus, sed vel ut virtutem suam, & concursum universalem ad causas aliquas creatae imperfectæ ac defectibilis exigentiam applicet, ut in iis de quibus numero praecedente,

contingit: vel si de aliis, igne scilicet, aquâ, & similibus sit sermo, non magis repugnat Deum, causam perfectissimam, limitatas iis perfectiones, cuiusque naturæ & capacitatib; conformes, tribuere, quam ditissimum aliquem Principem, ex innumeris, quos possidet, thesauris, pauperi elemosynam, decem ex gratiâ, aut viginti aureos largiri. Dicere autem, Deum, quia ipse limitatus non est, & imperfectus, non posse res limitatas & imperfectas producere, perinde est ac si quis afficeret, mare, quia ipsum exiguum non est, non posse aquam in vala exigua ex immensis suis fluctibus derivare.

**IX.** Ad communem verò illum loquendi modum, quo dici solet, ideo Deum producere, & ex se fundere posse creature, quia in se illas continet: quo etiam loquendi modo uti video S. Thomam hic, q. 4. a. 2. Resp. intelligendum hoc esse in sensu formalis, sicut cùm dicitur, *Deo Petrus esse hominem, quia est animal rationale:* idem quippe est continere eminenter creature, & posse eas producere, juxta ea quæ haec tenus sunt dicta.

**X.** Objicies secundò: si Deus omnes rerum creatarum perfectiones in se non contineat, sequi hoc complexum *Deus & creatura* esse perfectius solo Deo; creatura namque additum aliquid perfectionis in Deo non repertum. Respondetur cum communi, complexum illud ex Deo & creaturâ esse perfectius Deo solo extensivè, non intensivè & simpliciter: Deus siquidem, est perfectiones creaturarum non continet formaliter; eminentissimo tamen modo in illo cunctæ reperiuntur, est quæ virtute omnes: esse autem creaturas formaliter, magnam in eo argueret imperfectionem, ut jam ostensum est.

## DISPVTATIO SEPTIMA.

### De Bonitate, & Infinitate Dei.

#### SECTIO PRIMA.

##### Qua ratione Deus sit Summum bonum.

**I.**  
*Bonū idem est perfectum.*

*Bonum, simpliciter infinitum, solum Deus.*

**II.**  
*Bonum duplex, absolutum, & respectivum.*

**B**ONUM, ut Disp. 3. Metaph. dixi, Sect. 2. idem est ac perfectum, seu integrum: quod proinde quatuor modis dici, *Essentialiter, Substantialiter, Integraliter, & Accidentaliter*, ibidem ostendit. Bonum verò simpliciter infinitum, ut loco citato dixi, est solus Deus, omnem minime perfectionem excogitabilem in se complectens. Res verò creatæ, in suo quaque genere sunt bona; quatenus scilicet micas qualitas, aut scintillas bonitatis ac perfectionis ex infinito illo bonorum omnium fonte & scaturiente in se derivatas continent.

Bonum est duplex, absolutum, & respectivum. Bonum absolutum illud vocatur, quod in se perfectionem habet sibi debitam, de quo proxime dictum est. Bonum verò respectivum, seu relativum, illud censetur, quod alteri bonum est, vocaturque *Bonum convenientie.* Haec autem duæ rationes boni, non in omni semper re bona inveniuntur; quod

enim in se bonum est, alteri frequenter est malum: sic calor & frigus ut octo, in se bona sunt, utpote in ratione caloris & frigoris perfecta; ille tamen aquæ malus est, hoc igni: & sic de aliis.

Deus itaque, in utroque genere est summum bonum, & in se scilicet usquequaque completus ac perfectus, ut Disp. praecedente, sect. secundâ declaratum est, & nobis convenientissimus: prima bonitas cum constituit objectum Charitatis, secunda Speci; quamvis recipiat utraque bonitas realiter sit eadem, discrepantia autem in diversâ tantum illius consideratione & comparatione sita est.

Duplicem hanc boni rationem in Deo reperiem clarissimè tradit Scriptura & Patres. Quoad priam enim, bonitatem scilicet absolutam, Deus ubique in divinis literis bonus nuncupatur. Ad quam rem S. Augustinus lib. 1. de Trin. cap. 2. ait, *Trinitatem Divinarum Personarum esse summum bonum, quod purgatis nientibus cernitur.* Et l. 8. de Trin. c. 3. Deum vocat *Bonum omnis boni*, illud scilicet, à quo, velut ab uberrimo fonte, res omnes creatæ, quicquid habent bonitatis, recipiunt. Quoad aliam verò Dei bonitatem, prout nimis nobis bonus est, imprimis Psal. 71. v. 1. dicitur, *Quam bonus Israel Deus his, qui recte sunt corde.* Et Thren. 3. vers. 25. *Bonu est Dominus sperantibus in eum, anima querenti illius;*

**III.**  
*Deus omni modo est summum bonum.*

**IV.**  
*Dei Bonitas in Scripturis exprimitur.*